




Pfaltzgraff Johann Casimirs etc. ... Mandat und Befelch, dass bey ettlichen Kirchen und Schuln in der Chur Pfaltz, eingerissene Condemnirn und Lestern uff der Cantzel und in den Schuln, fu?rther zu underlassen und abzuschaffen.

<https://hdl.handle.net/1874/405306>

pe

Palatinate 7

Pfalzgraff Johann
Casimirs 2c. Vormunds / vnd der
Ehurfürstlichen Pfalz Administrators / 2c.
 Mandat vñ Befelch / daß bey etlichen Kirchen vnd Schulen
 in der Ehur Pfalz / eingeriffene condemnirte vnd Les
 sern vff der Cankel vnd in den Schulen / fürther
 zu vnderlassen vnd abzu
 schaffen.



Getruckt in der Ehurfürstlichen Statt
 Heidelberg / durch Jacob Müller.
 M. D. LXXIII.

Handwritten text, likely bleed-through from the reverse side of the page. The text is mirrored and difficult to decipher.



Handwritten text at the bottom of the page, including a signature or name that appears to be 'M. D. LXXXIII'.

In Gottes gnaden / Wir
Johañ Casimir / Pfalzgraff bey
Rhein / Vormundt / vñ der Chur-
fürstlichen Pfalz Administrator,
Herzogin Bayern etc. Empieten allen vnd jeden
vnsern Rhäten / Obern vnd vndern Amptleu-
ten / Schultheissen / Burgermeistern / Rhäten /
Dorffmeistern / Verichten / Bürgern / Gemein-
den / Vnderthanen / angehörigen vnd verwand-
ten / Insonderheit aber den Superintendenten /
Pfarrherrn / Predigern / Ertisten / Kirchen: vnd
Schuldienern / dieser vndern Churfürstlichen
Pfalz / Geistlichen vnd Weltlichen / in was
Stand vnd wesen die seyen / vnsern Gruss / gnad
vnd alles guts zuuor / vnd geben euch hiemit zu-
vernehmen.

Nach dem vermittelst Göttlicher gnedigen
schieckung / Wir durch ordenliche wege der Gül-
den Bulla / vnd sonst vermög der Rechten / zur
Administration des Churfürstenthumbs der
Pfalz kommen / vnd vns erinnert / das vns als
einer Christlichen Oberkeit in allweg obligen
vnd gebären will / nicht allein dem Seligmach-
enden Wort Gottes / zu der Vnderthanen Ewli-
gen vnd zeitlichen Wolsfahrt / vnd ihrer Seelen
A ij seligkeit

seligkeit / seinen freyen stracken Lauff zuverstat-
ten / vnd solchen so viel an vns zubefördern / son-
der auch was demselben zuwider sein mag / Als
nemlich / alle mit gemeiner erkantnuß der Euan-
gelischen Kirchen verworffene irrige Lehren /
Auch das ein zeithero auff den Kanzeln / vnd in
Schulen eingerissen ärgerlich vnd vnbefuge
bezüchtigen / schmähen / condemniren vñ verket-
ern / vnschuldiger / der reinen Evangelische Lehr-
zugethaner / vnd vmb die Kirche Christi wolver-
dienter Leuth vnd Lehrer / von wegen ertlicher
streitigen vnd bey den Evangelischen Kirchen
vnderglichen erklärunge / sonderlich im handel
vom h. Abendmal vnser Herr Jesu Christi zu
fürkommen vnd abzuschaffen.

In sonderlicher betrachtung / das durch
solche gezänck die Gemeine Gottes mit erbauet /
vnd Christo zugeföhret / Sonder vielmehr zer-
störet / geärgert / die zarten Gewissen ir vnd
zweiffentlich gemacht / das Band brüderlicher
Lieb zerrissen / auch die Papisten vnd andere / so
noch der warheit vnerfahren / von annemung
vnd beliebung derselben abgeschreckt / denen
billich mit gutem vnsträfflichem Wandel / Ge-
dult / Sanfftmüt vnd Christlicher bescheiden-
heit / ein gut Exempel vnd anlaß gegeben wer-
den

den solt/zu vnser wahren Christlichen Religion
zurichten/ Gott den Herrn mit allen recht-
gläubigen zuloben vnd zupreisen.

Wie wir vns dann auß sekerzelten erheb-
lichen vrsachen/ mit weilande vnserm freunt-
lichen lieben Brudern Pfaltzgraff Ludwigen
Churfürsten zc. seliger gedechtnuß (allerma-
ßen wie bey Lebzeiten/weilundt vnserß geliebten
Herrn vatters Pfaltzgraff Friderichen Chur-
fürsten zc. seliger gedechtnuß/durch S. B. L. vnd
andere mehr Chur: vnd Fürsten der Augspur-
gischen Confession ebenmessig beschehen) Brü-
derlich verglichen/ einander zugesagt/ vnd da-
rob festiglich zuhalten versprochen/vorberürt
Ergernuß/ vnchristlichß condemniren/ verkehr-
ern vnd beunrügung des gemeinen Mans/ ab-
zuschaffen / wie dasselbige auch die Präfatation
S. L. außgangenen Kirchenordnung außdrück-
lich vermag vn außweiset/sonder da einige Miß-
verstände in Religionsfachen vorhanden/ oder
fürfielen/dieselben nicht mit Lästern/schmähen
vnd vnzeitigem condemniren auff den Can-
deln/zuverwirrung des gemeinen Mans/son-
der durch ordentliche/ vnd in der Kirchen Christi-
gebürliche Mittel vnd wege Christlicher Collo-
quien vnd Synoden hin: vnd beilegen zulassen.

Was uns nun gleich zu einführung
unserer Regierung und Churfürstlichen Admi-
nistration / sowol von Vnderthanen / als andern
vielfältige Klagen fürkommen / das von vilen
Pfarherrn / Kirchen: und Schuldienern solchen
nit nachgeseht / Sondern das schelten / lästern /
vngegründtes zumessen und vngütlichs be-
schuldigen irriger Lehr / the lenger the mehr zu-
genommen / dardurch die Vnderthanen so die-
sem Vnwesen kein beysfall thun / vnd eins theils
mit ihnen den Kirchendienern in mißverständnis
des Heyligen Abendmals (oder eigentlich zu-
sagen / der Mündlichen messung halb / des Leibs
Christi im Brodt verborgen / wie etliche davon
reden und halten) nicht vergleichen können /
auff den Kanzeln und sonst zum ärgsten
angefahren / außgehetet / angefeindet / von
den Heyligen Sacramenten abgehalten / vnd
bey der Heyligen Tauff zu Geuattern züfte-
den / abgewiesen / Ja auch ihnen an etlichen
Orten / die schuldige Begrebnuß versagt / wel-
ches beydes dann ihnen bey obgedachts unsers
geliebten Bruders sünst abgestorbenen Chur-
fürstens / 2c. Lebzeiten / nit gut geheissen noch
verstattet worden: Daraus dann auch weiters
erfolgt / das sie nicht zu ehrlichen Emptern des
Rabessäß

Rahtsfaß vnd sonsten gezogen/sonder dauon
aufgeschloffen worden.

Demnach zu fürkommung vnd
verhüttung solches vbelts/vnrahts vñ verbitte-
rung/auch verwirrung der Gemüter vnd alles
verdachts/damit vnserer Christliche Religion/
bey den einfältigen/von vnrüwigen Leuthen be-
schwert oder verhaßt zumachen/vnderstanden.
Erklären wir vns hiemit/vnd bezeugen offent-
lich/das wir keines wegs gesinnet/einiger Keze-
rey/Gotteslästerung oder Irthumb/so von
der vhralten rechtgläubigen Christlichen/oder
zu vnsern zeitten mit einhelligem Consens/der
Euangelischen Kirchen verworffen / vnd auß-
den verworffnen/auch zum offtermal widerleg-
ten Irthumben herfliessen/statt/platz vnd raum
zugeben/oder dieselben zu gedulden/Sondern/
soll allen Predigern vnd Lehrern mit sattem
Grund der Schrift dieselben zuwiderlegen/zu-
straffen / vnd die Leuth dafür zu warnen/frey
vnd erlaubt/ ja ernstlich eingebunden sein.

Was aber den fürgefallenen stritt
vom Heiligen Abendmal anlangt / darinnen
man so weit einig/das alle theyl vnd streitende
Partheyen eintrechtig vnd öffentlich bekennen/
Das

Confessy

Das man des wahren wesentlichen Leibs und
Bluts vnser^s H E R R N vnd Heylands Iesu
Christi/ auch aller seiner wol: vnd gutthaten in
rechtem brauch des Heyligen Abendmals war-
hafftig theilhafftig werde/ Vnd das vnser Herr
Christus bey seinem Heyligen Abendmal ge-
genwertig seye/ wie auch bey der Predig seines
Heyligen Euangeliums/ vnd der Mißuerstand
allein (außgenommen was etliche wenig vnri-
wiger Leuth für kurzen Jahren auß allerley
Streitschriften für seltsame Disputationes von
der Person Christi/ geholet vñ auff die Ban ge-
bracht haben) de modo presentie sich halten thut/
daß ist/ Wie vñ welcher gestalt solche gegenwert
vnd niessung des Leibs vnd Bluts zu verstehen
vnd zugehe/ Ob nemlich solcher Leib im Brode
Leiblich/ oder aber vns seinen Gliedmassen/ mit
welchen sich Christus durch seine Zusage ver-
bindet/ gegenwertig seye/ wie vns dann beyde/
das Wort des Euangeliums vnd die Sacra-
ment/ nicht von dem das in der stim des Predi-
gers/ oder in den Elementen verborgen seye/
sondern was vns den Christgläubige geschencke
vnd in dem rechten gebrauch solcher Mitteln
vberreicht werde/ zeugen vnd versichern/ welche
letzere Meinung/ wir auch Gottes wort/ vnserm
Christlichen

deffensio

obiquitate

orthodoxy 2

Cassimira fi
de de romana
orthodoxa

Christlichen glauben/auch allen alten Kirchen-
Lehrern gemess halten / vnd in der Augspurgi-
schen Confession/dern Apologi repetition/vnd
andern allgemeinen öffentlichen Bekandtnis-
sen der Evangelischen Kirchen begriffen.

So ist vnser Will vnd Meynung
ernstlich / vnd bey höchster vngnad befelhend /
daß gleichwol mit den Schwachen / die solche
Lehr / zu welcher wir vns bekennen / Inmassen
dieselbige auch in vnserm Herrn vatters / Pfalz-
graff Friderichs Churfürsten zc. seliger gedenck-
nuß außgangenem / vñ in Truck publicirten Ca-
techismo verfasst / noch nit erreychen können /
gedult zutragen / vnd ihnen mit aller sanfftmüt
aus dem wort Gottes bericht zugeben / Keyner
aber den andern von wegen solcher vnser Lehr /
die wir in dem wort Gottes gegründet finden /
auff der Lantzel / inn Schrifften oder sonst
schmälich antaste / verdamme / vnd wie bißhero
von freyhässigen Leuten beschehen / dem Teuf-
fel ergebe / in betrachtung das solcher Streit
biß noch auff keinem rechtmässigen Concilio /
Synodo / oder hierumb verglichner vnd ange-
stellter allgemeiner vnparthetischer Religions-
versammlung ordentlich weiß decidirt worden
ist.

Sonderlich auch sollen sie sich ferners
8. E dern

deren bey den Papisten vnd andern der warhest
vngewogenen verhaßten des Lutheri/Caluini
vñ anderer Belchren/vnd vmb die Christliche
Kirchen wolverdienter Männer verkleinerlichen
Nachnamen/die zum theyl in Gott seligtlichen
verstorben/vnd nach iren mitgetheylten Gaben
die Leuth auß der Finsternuß des Pabstthumbs
gerissen auff der Lankel enthalten/die arme
vnuerständige Vnderthanen vnd zarte Gewis-
sen damit nicht betrüben/ärgern/irz vnd tren-
nungen machen / Einthemaal es an deme vnd
gewiß ist/das solche geleerte Männer vñd Kir-
chendiener/laut deren miteinander/nicht allein
Anno 12. 29. zu Marburg/sonder vilmehr An-
no 12. 36. zu Wittenberg gemachten Concordien
vñ Brüderlichen vereinbarung in allen Haupt-
puncten vnsers Christlichen Glaubens/ auch
im Handel vom heiligen Tauff vñd vom heil-
ligen Abendmal in Fundamento einig gewesen/
vñd einander für Brüder erkennet / welches
auch hernach von den fürnehmsten Auroren vñd
Bekennern der Augspurgischen Confession ge-
schehen / wie dann auch sonst/ was die Parthei-
sche Namen anlangt / dasselb in Gottes Wort
gestrafft würt/das man sich off die Menschē be-
ruffen/einer Ephisch/der ander Appollisch/der
drit

dritt Paulisch/ also auch seztiger zeit Lutherisch
oder Caluinisch/ genandt wirdt/ sonder wir vns
alle eynig auff Christum/ in dessen Namen wir
getaufft/ vnd durch ihne erlöset worden/ ziehen
vnd referiren sollen/ In fernerer betrachtung/
das vnder vñ von wegen solchen verhassten auff
gedichten Namen in vnd außserhalb des Römi-
schen Reichs/ alle Christen vnd Euangelische
Kirchen/ so sich vom Pabsthum abgesondert/
vom Antichrist zu Rom vñnd seinem Anhang/
ohne einigen vnderchied/ der einer oder andern
Meynung/ verfolget/ vnd außzurotten vnder-
standen worden/ zc. wie auch noch.

*et lib. 1. c. 23
caluinius contra
papa*

Zu deme die Göttliche Schrift/ auch des
Rechts lieb von allen Christen/ sonderlich den
Kirchendienern erfordert/ daß die Leuth mit be-
scheideneit/ sanffmut vnd gedult auß Gottes
wort Christo gewonnen/ zugeführt vnd erbau-
wet/ vnd nicht mit schelt vnd schmähworten da-
von abgewisen/ vñ für den Kopff gestossen wer-
den. Bilweniger können wir gestatten vnd zu-
geben/ daß die Kirchen vnd Schuldiener/ auff
der Lanzel oder in Schrifften einander fal-
sche vñnd Ketzerische Lehr zulegen/ andichten/
vnd mit öffentlichem vngrund vnd Vnwarheit
beschweren/ vñnd also falsche Zeugnuß geben/

alleyn zu dem End / damit die Warheit / reyne
Lehr vnd vnschuldige Personen / dardurch bey
dem gemeynen Mann verhaßt zumachen vnd zu
verleümbden / Sonder wöllen die hie mit / als die
keynem erbaren auffrichtigen Mann / vil wents
ger Kirchendienern zustehen vnd gebären / ernst
lich / vnd bey höchster straff vñ vngnad verbo
ten haben / Sonderlich aber folgende offenbare
Calumnien / Das man mit Vngrund für gibt /
das die sehnige so diese Wort / Das Brod ist der
Leib Christi / nicht von einem vnsichtbaren Leib im
Brod verborgen / oder sonsten: Das das Brod
leiblich / wesentlich der Leib des HERRN seye /
vnd solcher Leib mündlich / wie das Brod ges
sen werde / verstehen / sonder Sacramentlich /
das es nach art aller Sacrament / ein Göttlich
Warzeichen seye des wahren Leibs Christi / der
zur Speise der Seelen / was im rechten brauch
zu genieffen / vbergeben vñnd gereicht werde /
Das sie darumb die wort Christi / im heyligen
Abendmal nicht für wahr halten. Item / Das
sie die Allmechtigkheyt Gottes vnd Christi ver
leügnen. Item / Das sie die heylige Sacra
menta / alleyn für bloffe Zeichen vnd Bedeut
ungen / vnd nicht für solche halten / damit vns
das sehnige / was sie an bilden vnd bezeugen / ge
geben

gehen werde. Item/ Daß sie keyne gegenwart
Christi im heyligen Abendmal erkennen/ son-
der lehren sollen/ Er seye so weit vom H. Abend-
mal/ als der obriste Himmel von der Erden/
Welches der eine theyl nicht/ sonder dz gelehrt:
Daß ob schon der Leib Christi/ nach seiner Him-
melfahrt/ ortz halben/ wie die heilige Engel/ S.
Paulus/ vnd andere Apostel einhelliglich zeu-
gen/ so weit von den irrdischen Elementen/ als
der Himmel von der Erden ist/ seye er doch vns in
dieser heiligen Handlung/ die vilmehr Himlich
dann Irdisch ist/ darinnen auch der Allmech-
tige Geyst Christi würckt/ vnd die Glieder mit
dem Haupt vereynbar/ warhafftig gegenwer-
tig/ Wie dan vermdg des Nicenischen Concilii
wir bey disem Göttliche Tische/ nit am irrdische/
sichtbaren sürgeretzten Kelch vnd Brode nider-
trächtig hangen/ sonder vnser Gemüt im glau-
ben hinauff erheben sollen / da Christus ist/
spricht S. Paulus/ sitzendt zur rechten des Vaters/
vnd von danien wir seiner leiblichen An-
kunfft erwarten. Item/ Daß sie lehren sollen/
Christus seie an einem ort im Himmel verschlo-
sen/ vnd gleichsam gefangen. Item/ Man werde
allein mit dem Geist Christi vnd seiner wolthä-
ten/ aber nit mit seinem Leib gepreiset. Item/ daß
B iij sie

sie allein der vernunft vnd Philosophi/nit aber dem wort Gottes nachfolgen/vnd was dergleichen mehr öffentliche calumnien vñ lästerungen sein/so solcher in Gottes wort gegründter Lehr angedichtet werden/vnd doch auß grund der he Schrifften vnd sonst vilfältiglich sein widerprochen/abgeleynet vnd widerlegt worden.

Religiosus
Demnach auch zu diesem mißverstand/durch ettelich wenig vorwitzige Lehrer/die Disputation von der Allenthalbenheit des Leibs Jesu Christi/gezogen vnd eingemengert worden/damit die leibliche Gegenwart des leibs Christi im brot/vnd das mündelich Essen gedachts Leibs zu befrättigen/dardurch diser Streit se lenger se verwirrtet/vnd der gemeyne Mann/mit spitzigen vñ gefährlichen Fragen vnd Disputationen noch irziger gemacht worden/Auch bey diesem Handel den senigen so die reyne Lehr von der persönlichen vereynigung auß dem wort Gottes/vnd vralten Symbolis mit der ganzen Christgläubigen Kirchen wider die erdichte Allenthalbenheit des Leibs Christi lehren/behaupten vnd versecten/nicht weniger calumnien vnd falsche irzige Lehr angeschmitzet/vnd sie bey dem gemeynen Mann mit vngrund beschuldigt wollen werden: als ob sie lehreten/Christus seye nicht ein allmächtiger

mächtiger Christus/vñ wer also ihre Lehr dem
Arianismo nahe verwandt. Item/Die mensch-
liche Natur habe nichts durch die persönliche
Bereynigung empfangen/als Tittel vnd blosser
Namen. Item/das sie die Person Christi mit
Nestorio trennen/vnd ein halben Christum/nit
ein gantzen allhie auff Erden erkennen. Item/
Das sie vnsern Emanuclen/Christum/nit ganz
in beiden Naturen vnzertrennet anbeten/vnd
was dergleichen falsche bezüchtigungen mehr
den Leuthen eingebleuuet worden.

Hierauff befehlen wir den Pfar-
hern vnd Kirchendienern/das sie von solchem
geheimnuß der Person Christi Schriftmässig/
einfältig vnd sobriè nach Gottes wort Ephesini
Concilij determination vnd Symbolo Chalcedonensi
lehren vnd predigen/aller spitzfindigē vnerbau-
lichen Fragen/die der gemeine Mann nit fassen
kan/vnd die wahre eygenschafften des mensch-
lichen Leibs auff hebē/sonder dardurch nur irr-
vnd zweifelig gemacht/Wie auch jeko angereg-
ter vnd anderer calumnien vnd erdichten Zula-
gen/so in vnserer Kirchen Catechismo Bekandt-
nüssen vnd Schriften hiebevorn außgangen/
statlich widerlegt/bey ernstlicher straff vnd vn-
gnad gänzlich enthalten vnd oberstehen.

Vad diessell die erfahrung bisshero geben/
daß mehrertheil der Prediger solche calumnien
von hören sagen/auff die Kanzel bringen/ die
vnsrer vnd anderer gelehrten Leuth Bücher/
Wie auch die Augspurgische Confession vnd
derselben Apologiam nicht gelesen/ Ist vnser
Befelch/ Will vnd Meinung/ daß Kirchen vnd
Schuldiener/ so von disem Handell lehren vnd
predigen/vnser vnd anderer Leut außgangene
Bücher fleissig selbst lesen/ erwegen/ prüfen/
gegen Gottes wort Augspurgischer Confessi-
on vnd Apologiam halten/ da sie etwas/das sie
nit gnugsam fassen noch verstehen können/sie
den solten/sich mit vnsern Theologis vnd Kir-
chendienern/durch freundliche vñ Christliche
Gespräch vnderreden vnd berichten lassen/da-
mit aller mißverstand/auch vnzeitige vnbesüß-
te verdammungen/vnd ärgerliche lästerungen
vermitteln bleiben.

Ferner/nach dem fast mehrertheils die Reli-
gions irrung/ auß den streitt vnd zweiffelhafftigen
Schriften/Glossen vnd Auflegungen der
Menschen herfließen/vnd alle rechtgläubigen
Christen/Wie auch vnser liebe Vorfahr/vnd
Wir vns allein zum wort Gottes/die vhralte
bewerte Symbola Christlicher Kirchen/wie auch
der

der Augspurgischen Confession vnd derselben
Apologi/als demselbigē allein gemēß/beruffen/
So befehlen wir vnsern Kirchen vnd Schul-
dienern/ daß sie die lieben Vnderthanen/ wie
auch die Jugendt allein/auff solche allgemey-
ne bekannte/approbirte/vñ nit auff die Streit-
schrifften/oder andere Gründe vnd Fundamen-
ta/sie haben gleich Namen wie sie wollen/ die
heftigs tags zwischen den Ständen Augspur-
gischer Confession strittig/vnd in Keyner allge-
meynen Versammlung angenommen vnd bestetti-
get/gewissen werden/Biß der liebe Gott einmal
gnad gibt/ daß die eingerissene Mißverstände
in obigen Puncten in einem freyen gemeynen
Synodo mögen erörtert werden/vnd das hiezwi-
schen solches mißverständs vnd stritts vom H.
Abendmal/kein theyl das ander antastien/lä-
stern/schmähen/oder belästigen wölle: Sonder
vielmehr alle ihre Predigten dahin richten/daß
die Vnderthanen vnd Zuhörer/in eynfalt vn-
seres Christlichen Glaubens erbawet/zur Buß
vnd verbesserung ihres Lebens/wie auch zu
brüderlicher Lieb vnd Einigkeit/bevorab in di-
sen gefährlichen betrübten zeiten/ angewiesen
vnd vermahnet/Auch sie selbstn einer dem an-
dern mit Christlicher sanfftmüt vnd gedult/vn-

der Augen gehen/mit der That beweisen/ vnd
andern dessen gute Exempla geben/das sie Glt
der Jesu Christi seyen/vnd denselben in ihren
Hertzen wohnend haben.

Beschließlich. Weils wir in erfah-
rung kommen/ das etliche Predicanten/ Kir-
chen: vnd Schuldiener/ zu behauptung vnd
vermântelung ihres ärgerlichen Ickeltens/lä-
sterens vñ condemnirens/auch abhaltung von
den Heiligen Sacramenten/ ihre Eydspflichte
fürwenden/damit sie einem Kirchenrath hiebe-
vor zugethan gewesen/ Darzu sich auch auff
einen/von angeregten Kirchenhäten/ohne vor
wissen gedachts vnser Bruders seligen L. vnd
dero Großhoffmeisters vnd Rhät/vnder Dato
den 19. Julij vergangenen 87. Jars außgangen
Befelch referiren/ vnd sich damit zu behelffen
vermeynen. Wollen wir alle solche iuramenta,
vnd dergleichen vermeynte außgangene Be-
felch hiemit abgethan/genßlichen außgehoben
vnd cassirt haben.

Hierauff allen obgedachten vnsern
Superintendenten/ Pfarhern/ Predigern/
Kirchen vnd Schuldienern befehlend/ dem als
lent

lem/ so ihrenthalb vorgesezet/ mit Christlichem
eifer/ fleiß vnd bescheidenheyt nach zukommen
vnd zu geleben/ Dann auch vnsern Rhäten/
Ober vnd vnder Amptleuthen/ Schultheissen/
Burgermeystern/ Eltisten/ Rhät vnd Gerich-
ten/bey den Pflichten/ damit sie vns verwandt
seyen/ mit ernst gebietendt/ daran zusein/ vnd zu
verschaffen/ auch gut achtung zuhaben/ daß
demjenigen/ so oberzelt in gemeyn/ vnd beson-
der bestes fleißes nachgesezt/ vnd beydes bey
Kirchendienern/ Zuhörern vnd Vnderthanen/
gute Christliche Eynigkeit vnd Brüderliche lieb
gepflantz vnd erhalten/ sampt woh dasselb von
einem oder andern oberfahren/ vnd mit voran-
geretem ärgerlichem lästern/ condemniren vnd
schelten nichts weniger fortgeschritten/ vnd
sich desselbigen nicht messigen würden/ die da-
von zuuerwarnen vnd abzuhalten/ vnd so das
auch nicht verfänglich/ vnderlengt an Vns ge-
langen zulassen/ darunder die weitter gebür-
zuversagen vnd vorzunemen haben.

An diesem allem geschicht das ihentige/
was Gott gefällig/ dem Nächsten erbarlich/
vnd vnser ernstlicher Will vnd Meynung ist.
Zu Bekundt versiegelt mit vnserm auffgetruck-

1875342

tem Secret. Datum Heydelberg Mittwochs
den neunzehenden Monatstag Februarii/ Als
man zalt nach Christi vnsers lieben HERN
vnnnd Seligmachers Geburt/ im Fünffzehnen
hundert vier vnd achtzigsten Jar.

ocr 67853646